

清光緒朝中日交涉史料

卷八一之卷八二

光緒卅年東事收電檔

清光緒朝中日交涉史料卷八一 東事收電檔

答張（六五八三）收北洋大臣致軍機處外務部電 十月初一日

據奉探電稱廿五六日俄北來步隊二千九百餘名北去受傷兵一百餘名前敵探稱俄以南路日軍少退復有回沙河以南者其中央隊伍現多分援左右兩翼云轉博達世凱東

(六五八四)收直督致軍機處外務部電 十月初二日

據奉探電稱廿七日俄北來步隊三千七百餘名北去官兵五百餘名受傷兵一百五十餘名前敵探稱廿四日日俄兩軍在距瀋四十餘里之閻家溝接仗俄擄獲日炮一尊兵十餘人聞俄兵潰散兩營不知去向現俄由孤家子修鐵路達荒山子查該處爲古羅巴金駐所云謹轉達世凱冬

(六五八五)收北洋大臣致外務部電 十月初二日

稅當俄人初派員時敝處曾向俄員詰責並聲明不准干涉車運等事我既認遼西爲局外

該車站稽查禁物本中立之責任征收漏稅爲自主之權利中國官員儘可自辦如他國干預便是犯中立損主權聽其進步患將胡底稅司雖爲中國用員而創辦稽征確係日官所委卽是戰國干預以中國用員受戰國之委犯我損我尤應禁止譬如奉省官吏奉戰國之令有所侵犯斷無聽任之理該稅司未經聲明奉日官委辦殊涉朦混難保非串通愚我且已與日官商定撤關去示而奉日官委辦之稅司復藉詞朦混冀售奸計居心險惡必須駁斥大部雖已復允因未知爲日官所委今旣查明實情自應立飭停辦以守中立而保主權事關大局務祈鼎力主持至切盼禱世凱肅冬

(六五八六)收路透電

十月十一日
四十一月八號

波羅的海艦隊已由灘支爾地方起行駛向大西洋查現時大西洋內該艦隊之船隻共計戰船五隻巡船五隻運船二隻醫船一隻俄京內傳云俄國已允英國所擬之約稿義勇船之名鴉拉洛者載運煤水現已駛過包司佛洛斯地方將與波羅的海艦隊會合船名台灣者現抵馬賽地方報稱該船在上海水面幾與一水雷相撞日本海內危險之水雷甚多該船三次被日本巡船阻留查驗現已將此事訴之於波塞英領事官矣

(六五八七)收北洋大臣致軍機處外務部電 十月初三日

據奉探電稱廿三日有英商二人帶華人田張二姓往東路貿易在撫順東距省百十里營首保住店爲店主郭某等用刀斧殺死將田張擊斃得賊三千八百餘元屍身在村外掩埋張某復蘇脫走赴石灰場俄營報案俄兵往捕獲郭某等七人起出原賊送省究辦云謹轉達世凱江

(六五八八)收路透電

十月初三日
四十一月九號

俄副將博各多諾夫偕同三人前由遠東總督阿來克塞夫派往蒙古假名探測地方現俱爲人殺斃波羅的海艦隊統帥羅茲多司闢耳司基未東來之先俄皇電諭云朕心隨汝及汝之艦隊遠去通國眼目俱視汝也

據新民增守電稱俄隊在遼西老謝房等處與日暮匪馮麟閣等隊互擊馮隊已至新民屬

牛拉門白旗堡一帶僅距府三四十里愈逼愈近民心震動一經攻戰深恐蹂躪新民關礙鐵路懇速照會兩戰國免在遼西開釁並令馮隊開往遼東以保中立大局云當以馮逃俄追事甚急迫須先阻馮自可郤俄照會應由大部核辦輶轉需時恐有不及已先託人電告遼西日官迅調馮隊繞道他往並電增守遣人諭馮以新民爲鐵路電報要地奉敵處諭飭阻其違犯違則嚴懲一面調備營隊嚴加防堵倘仍來犯惟有拒以兵力馮如不來俄自止步應否仍由大部照會兩戰國駐使之處乞酌辦世凱肅支軍封蒙古邊哈爾濱大連丹東

(六五九〇)收北洋大臣致軍機處外務部電 十月初四日

據奉探電稱廿八日俄北來步隊千一百餘前敵探稱日俄兩軍於廿八在沙河堡以南之長嶺子接仗勝敗未分次日復戰俄兵傷亡廿餘人初一日早在沙河堡接仗俄兵傷亡三十餘人云謹轉達世凱支軍封蒙古邊哈爾濱大連丹東

(六五九一)收盛京將軍奉天府尹致外務部電 十月初四日

奉省各屬皆有教堂現值戰國軍隊在境中國巡兵動被搜槍不能四出緝賊以致土匪乘

間滋擾難於保護此次懷德教案據該令另稟此案實因俄人於鐵路兩旁六十俄里以內駐華隊處處束縛所致擬請照會俄員嗣後各國教堂在火車道六十俄里以內者准中國派隊駐紮以爲防護免再失事等語謹請裁酌抑或商之各總教轉飭暫勿在險地居住祺

杰冬

(六五九二)收盛京將軍奉天府尹致外務部電

七月初四日

頃據署懷德縣榮善稟九月初八據大青山屯教民王珍報稱是日上午忽有盜首平堆等七人騎馬持槍入室按搶本屯天主堂教士顧天性聞聲帶同堂內教民劉文明往勸該盜用槍放傷劉文明左膝蓋顧教士情急上前攔阻盜復攻傷顧教士右手左右乳胸膛肚腹等處登時身死隨卽攜賊逃逸報經該縣會同縣城司鐸姚若翰前往勘驗屬實屍交姚司鐸棺殮一面簽差移隊嚴緝惟該屯距縣十五里毗連吉省素爲鬱匪出沒曾囑顧教士不可久住彼地渠不爲然致遭此禍等情查前准蘇主教照會謂係德司鐸茲稟係顧天性究竟

是德是顧除再飭查並覆蘇主教外先此電陳祺杰冬

(六五九三)收滬道致外務部電 十月初四日

懿電敬悉此事先奉有電當卽分函俄領好稅司到時會同點驗接收安頓廿八日煙台委員陳令到滬投文乃據稱人已逕送而並未取有收據隨函准俄領查復該弁兵抵滬後未據委員送交僅由滿洲兵船派小輪往接現在滿洲船上者計弁一員兵四十二名當卽飭令立據其船主蹤跡卽本總領亦不得而知云究竟船主一員何時逃往何處抑仍留煙殊不可解除電詢東海關查復一面函催令速具切結聲明不准離滬仍由俄領簽印送道備案外謹復樹勳江

(六五九四)收北洋大臣致軍機處外務部電 十月初五日

據奉探稱廿九至初二日俄北來步礮隊四千五百餘名北去受傷四百餘名前敵探稱日俄兩軍於初一日在沙河沿吉家屯陶相屯等短槍相擊勝敗未分次晨復以礮攻至申始息又寒山堡附近之官河四方台沙河南之朱家窪等處初二日皆有小戰白塔堡見有南來受傷俄官一員兵十一人初一日瀋西南俄右翼兵二百餘名出探至張家莊與日兵遇互擊日兵計誘全數被擒連日日軍挑戰甚急云謹轉世凱肅歌

(六五九五)收北洋大臣致外務部電 十月初五日

據新民增守電稱奉電諭卽派弁往阻據回稱馮隊已於初四晨由白旗堡開往東北出邊聞赴彰武縣之饅頭等處去云謹轉達世凱肅歌

(六五九六)收署黑龍江將軍署齊齊哈爾副都統致外務部電 十月初五日

駐省俄武廓米薩爾玻杜大那夫於九月廿四日因事赴北郭爾羅斯境行至孤店地方突遇鬍匪受傷隕命甚爲可惜並傷亡俄兵三名除飭派出各隊跟蹤追勦務將此股盜匪嚴拏法辦外謹先電聞達桂程德全江印

(六五九七)收盛京將軍奉天府尹致外務部電 十月初七日

頃據新民府增守韞冬電稱俄隊近在河西老達房滿都戶趙家屯等與日人招撫之馮林閣等互擊馮現由八角台開至半拉門鵝膺河白旗堡一帶距府僅三四十里一經攻戰蹂躪恐礙鐵路破壞中立請照會兩國免在遼西開衅令馮開往遼東等情當飭該守速遣人

與馮說令開往戰地勿壞大局彼旣本地人何忍移禍鄉邦如彼能去是釜底抽薪俄隊或不再追否則此處照會日員遲不能達照會俄員彼有藉口等因電飭該守妥辦速復能否辦則殊難預必惟馮果係日人招撫擬懇尊處迅卽照詢日使商令飭速開往戰地倘日未招撫可否調隊勦擊以免竄擾獨保中立除電北洋大臣查照外敬祈速核示遵祺杰支

(六五九八)收路透電

十月初七日
西十一月十二號

美國共和黨在下議院公舉盧斯威爲總統其佔最多之數將有一百蓋盧斯威之爲人辦理國政久爲人推許美現請議院發款八兆二十五萬鎊作爲添造兵船之費現據添造戰鬥艦三艘快巡洋艦五艘俄督阿力克塞夫已於本月十號晚行抵俄京俄皇現已出巡查視將行之兵

(六五九九)收上海道致外務部電 十月初七日

支電敬悉查此事職道先奉有電俄員弁兵廿四日乘阜利赴瀋陽卽函約稅司派員會同俄領接收距滿洲船派小輪往接已少船主一員俄領亦不解現詳詢解員陳令據稱廿八

晨該船主未抵滬卽由吳淞下船有同行俄弁與阜利洋人爲證云現請俄領詢究下落謹
陳勳魚

(六六〇〇)收北洋大臣致軍機處外務部電 十月初八日

據奉探電稱初三日俄北來步礮隊三百餘名北去官兵三百餘名前敵探稱日俄兩軍於
初三日在溫神堡瓜茄台等處接仗是日南載回受傷官一員兵三十餘名初四日塔山一
帶亦有小戰云謹轉達世凱肅庚

(六六〇一)收盛京將軍奉天府尹致外務部電 十月初八日

頃據俄廓米薩爾照會現因日兵有改穿華服潛赴俄軍附近窺探或在高處執號通信等
情嗣後有此等華服之人均應捕擊恐誤害華民請曉諭前敵一帶居民慎勿往來並懸掛
旗幟燈籠以免誤擊倘有故犯拏獲按軍律治罪等語除照附近前敵各屯民未經遷避者
應送來省不得欺侮凌虐以符公法外謹陳祺杰歌

(六六〇二)收暫署兩江總督致外務部電 十月初八日

滬道魚電稱烟臺俄員弁兵乘阜利赴滬當卽函約稅司派員會同俄領接收距滿洲船派
小輪往接已少船主一員俄領亦不解現詳詢解員陳令據稱廿八辰該船主未抵滬卽由
吳淞下舟有同行俄弁與阜利洋人爲證現請俄領詢究下落等語謹聞方叩陽

(六六〇三)收路透電

十月初八日
西十一月十三號

法國時報云日本公使往晤戴克拉斯君言及局外中立條例中某數款該兩講解之法雖
屬兩歧而均與本義不甚軒輊想不久當可協洽矣日本現又籌借新欵由稅關擔保已於
本月九號將辦法節略頒發矣此款可於一千九百十一年償還

(六六〇四)收北洋大臣致軍機處外務部電

十月初九日

據奉探電稱初四日俄北來步隊一千餘名官長百餘員北去受傷兵三百餘名俄陸軍大
臣里泥維治於初三日抵瀋陽權位在古羅巴金之次前敵探稱古羅巴金將統帶懷仁一
帶俄隊之馬得利多夫調回並抽調駐撫順馬郡丹等處隊伍九千餘人歸其統轄開赴前

敵云謹轉達世凱肅齊

(六六〇五)收北洋大臣致外務部電 十月十一日

據煙臺何道蒸亥電稱今晨海容出口適遇一俄雷艇譯名拉斯打勞普乃進口海容當卽折回查詢旋據俄領文稱該艇在旅口外避風至此擬請點收軍裝聽憑保護等語職道與程管帶有鑒於前當切商美總領及美提督俱云應先將弁兵移過海容迅卸軍裝舍此別無善策正在知會日領籌畫辦法該艇忽於晚七鐘自行炸沉弁兵先下小輪開去俟查明下落再電稟聞乞電外部云謹達世凱肅真二

(六六〇六)收北洋大臣致外務部電 十月十一日

據煙台何道尤電稱俄艇自炸聞弁兵攜槍登岸徑投領署迭據日領函稱俄不交出今晚必以水勇六百向俄領力取云美總領美提督亦切屬速詰現已向俄領加緊索交擬請急電外部迅告俄使轉飭速交免得變生倉猝轉難任咎云查公法逃兵入中立境應收其軍械聽中立官約束除飭該道仍緊索外務祈速商俄使立飭交出免生意外禱切盼切世凱

(六六〇七)收北洋大臣致外務部電 十月十一日

據海容船管帶由煙電稱初十早有俄雷艇一突入子午島詢由旅來至晚七鐘自行炸沉人均上岸云已電何道按公法收管查明人數照逃兵例約束祈查照世凱肅真一

(六六〇八)收北洋大臣致外務部電 十月十一日

尤電敬悉此案已於真一二三電詳達俄使所稱似卽俄自炸沉之船已電何道查明妥辦電復世凱肅真四

(六六〇九)收北洋大臣致外務部電 十月十一日

蒸電敬悉遵派葉提督會同津關道將船扣回暫代收管祈先電知福州將軍照敝處前函議辦世凱肅真

(六六一〇) 收路透電

十月十一日
西十一月十七號

在華盛頓俄國公使於論及某數件非官場之消息時聲言俄國甯欲一敗塗地決不聽從他國調停日本福希米王爵在華盛頓蒙美國以優禮相待該王於覲見美總統時代表日皇敦睦之意并頌美總統身體康健福履綏和美總統答言美國人民無不共體此意并希日本人民共享昇平將軍安德爾現已告休繼其任爲民律委員寶爾透君

諭旨(六六一一)收北洋大臣致軍機處外務部電

十月十二日

據奉探電稱初八俄北來步隊三千三百餘名北去受傷兵八百餘名近日北來火車運到巨礮甚多其力能及廿里云謹轉達世凱文

諭旨(六六一二)收北洋大臣致軍機處外務部電
十月十二日

北路探電齊齊哈爾俄武員廓米薩爾博果大那太於九月廿四由哈帶官一員兵二名通事一人騎馬往蒙古行至距哈北火站車第一站東距廿里遇鬍匪四十餘人將廓米薩爾並護兵等共三人槍斃云謹轉達世凱肅文

(六六一三)收北洋大臣致外務部電 十月十二日

頃據何道尤二電稱真各電謹悉四電所指卽係此艇午後偕程管向俄領痛陳利害俄領允將船主一員武弁二員兵四十六名統交海容管束並繳槍械立誓狀當告日領甚爲治意並稱卽派人轉屬兵輪勿輕進云現已如數移入海容至若何赴滬及料理破艇等事俟妥酌再電聞乞電外部云查昨奉大部尤電俄使所稱與此案旣同係一艇已可暫行結束應請將俄自炸沈暨按公法商辦各節照明俄使藉備案據並告日使知照除飭何道將繳械存弁兵妥爲約束仍料理辦結外謹祈查核世凱肅文

(六六一四)收北洋大臣致軍機處外務部電 十月十二日

據奉探電稱初五至初七日俄北來步敵隊九千餘名北去受傷兵一千餘名前敵探稱初五六日俄日兩軍在沙河堡雷神堡等處小戰至初七日炮聲頗鉅俄軍敗退至四方台及荒山子一帶是日瀋西南拐路堡亦接戰竟日俄兵傷亡約數千人現東南俄軍稍退其西南一軍進攻甚急意在包抄日軍之後又聞初三日俄軍進至十里河觸發日埋地雷傷亡

二千餘人本溪湖路日軍亦於是日退出邊牛祿堡俄軍進駐堡北盡將該處居民驅之山谷謹轉達世凱肅文

(六六一五)收北洋大臣致軍機處外務部電 十月十三日

據奉探電稱初九日俄北來馬步砲隊七千九百餘名前敵探稱兩軍於初八九等日均無戰事初七日雷神堡之役俄兵傷亡約千餘人云謹轉達世凱肅元

(六六一六)收北洋大臣致外務部電 十月十三日

據海容程管帶電稱俄商兵留禁該船豐給飲食均尚馴服已繳械具誓不再預戰請卽送赴滬並於未啓輪前由該船布告駐煙各國領事及兵輪俾可沿途無阻乞示遵云查該管帶所擬辦法尙與公法相符但日人難測應請大部先商明日使再行飭送較爲穩慎除電何道一面仍與日領先商外祈示遵世凱肅文二

以徵稅之言於滿洲會日對其船器至延吉者皆因焚燬並謂於確及商船對於封鎖示禁
墨吉(六六一七)收北洋大臣致外務部電 十月十三日 宣奏早稟各款即照日開基

煙台何道電稱俄弁兵在海容均馴順已繳槍械立誓狀似宜從早原船送滬頃商日領甚以爲然乞電外部照會日使取其確覆至抵滬若何安置並請外部迅商俄使伏候電示遵辦云祈分別照商示覆世凱肅文三

(六六一八)收路透電

十月二十一日
四十九號

波羅的海副艦隊之巡船五艘魚雷船八艘於昨日由里色地方起行本日已駛過色爾和木地方其餘各艦隊均已由都波爾駛向阿克拉地方俄京內接到西十月廿五廿六號並十一月二號之公文現皆刊發內言十月廿五廿六兩日俄軍因拒敵受傷者並死者共五百名其十一月二號之公文係於踐祚節發行文內盡載忠君之語並深慶獲勝蓋因九日之攻擊果能於此日拒退也文內並無局勢危急之語但西十一月三號以後之情形若何並未布告於衆想必有深意存焉墨國政府整頓圓法各條內有除特爲出口銀幣外停鑄銀幣一條

(六六一九)收北洋大臣致外務部電

十月十四日